



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarum, ac loca quædam vicina

**Hund, Wiguleus**

**Monachii, 1620**

Donatio Carolomanni Regis Boiorum.

**urn:nbn:de:hbz:466:1-13591**

ANNO Domini. 1228. Ludouicus primus, Palat. Com. Rheni, Dux Bauariz, Collegium 12. Canonicorum, cum Decano ac Præposito ibi instituit, viuis ibi locum sepulchri elegit, qui tamen in Monast. Schirensi sepultus est.

DIPLOMATA hujus Ecclesie, nempe Carolomanni fundatoris, Caroli tertij fratris, Arnolphi Imperatoris filij, ac Ludouici Nepotis, quibus bonis ac priuilegiis hanc ornauerint ac ditârint, Vide apud Ioan. Auent. qui Anno Domini 1518. singularem de antiquitatibus ac monumentis Otingensibus libellum edidit, auctum postea, ac latius extensum, per Dominum Martinum Eysengrein., Prepositum Otingensem, in vulgari nostralingua, Anno 1571. Vide eundem Auentinum in Annalibus, lib. quarto, fol. 316.

### ADDITIONES.

#### DONATIO CAROLOMANNI REGIS

*Boiorum.*

IN nomine sancte & indiuidue Trinitatis *Carolomannus*: diuina auxiliante clementia Rex. Si de rebus terrenis quas diuina consecuti sumus clementia: fidelibus quibuscunque nostris idcirco adiutoria eterna præbere contendimus: vt nobis in secularibus negociis deuotiores existant: quanto magis nobis præmeditandum summo opere est: vt etiam de ipsis terrenis rebus: pro amore diuino: atque pro æterna remuneratione ecclesias Dei: ditare satagamus. Quapropter nouerit omnium fidelium Dei ecclesie: industria tam presentium scilicet quam futurorum: quomodo diuina inspiratione compuncti: complacuit nobis tradere pro augmento mercedis æternæ: quandam abbatiam que dicitur *Mataseo*: ad monasterium nouiter à nobis à fundamentis constructum: in loco qui dicitur *Otinga*: quod etiam in honore sancte Dei genitricis semper Virginis *Mariæ*: & sancti *Philippi* Apostoli Domini nostri *Iesu Christi*: aliorumque sanctorum plurimorum (quorum reliquias Deo propitio adgregare potuimus) ornatum esse cernitur: ea videlicet ratione: præfatam abbatiam: vt supra nominatum monasterium tradidimus: vt ab hodierna die cum omnibus ad hanc ipsam abbatiam pertinentibus: tam traditione regum: vel etiam liberorum hominum: ad jam dictum monasterium à nobis constructum perpetualiter pertineant: sine ullius successoris nostri contradictione. Insuper etiam notum sit tam presentibus quam futuris: quomodo illam Capellam ad *Otingas* & ad illam curtem ad *Buoche*: ad præfatum monasterium ad *Otingas* tradidimus: cum omnibus attinentiis: terris: cultis: incultis: agris: mancipiis: pratis: pascuis: syluis: aquis: aquarumue decursibus: quæ sitis & inque sitis. Omnia enim hæc que supra memorauimus: tam ipsam abbatiam ad *Mataseo*: quam ipsa duo loca (id est) illam Capellam ad *Otingas*: & curtem ad *Buoche*: ex integro tradidimus ad jam sæpe dictum monasterium perpetuis temporibus possidendum: ita vt nullus deinceps: nec de parentibus: nec de filiis (si eos nobis Deus dederit) neque de nepotibus siue de successoribus nostris: hanc traditionem nostram: violare vel inquietare audeat: Si quis vero (quod absit) hoc præceptum donationis nostræ: infringere disposuerit: primum iram Dei: sanctorumque ejus incurrat: & in die iudicij tremendi: pro hac ipsa temeritate redditurus rationem ante Dominum fiat. Sed liceat seruis Dei ibidem Deo famulantibus cunctas res præfatas: ad laudem Dei: eorumque sustentationes: perpetuis possidere temporibus: quatenus quiete uiuant: pro nobis: atque cuncta sancta Dei Ecclesia: Deum attentius exorent. Et vt hæc auctoritas traditionis nostræ firmiter habeatur & ve-

rius

rius credatur, ac diligentius cōseruetur, manu propria subter eam firmauimus, & annuli nostri impressione sigillari iussimus.

Signum Domini Carolomanni Serenissimi Regis,

*Madalvvinus* notarius ad vicem *Baldonis* Cancellarij recognoui. Data sexto Cal. Martij. Anno Christi propitio. Primo regni Domini Carolomanni Serenissimi Regis Boiorum. Indictione nona. Actum *Matachoue* curte regia in Dei nomine feliciter Amen. Anno Christi, DCCC. LXXVI.

Alia Carolomanni Regis Boiorum donatio.

**I**N nomine sanctæ & indiuiduæ Trinitatis: *Carolomannus* diuina fauente gratia Rex. Si pro amore Dei: ac reuerentia Sanctorum illius: locis Deo dicatis, nostrisque laboribus, à fundamentis (Christo miserante) extractis & terrenarum præbere satagamus rerum: liquido nobis inde æterna credimus prouenire præmia. Quapropter nouerit industria omnium fidelium nostrorum præsentia scilicet & futurorum: quomodo pro redemptione animæ nostræ: ac conjugis parentumque nostrorum, quasdam res proprietatis nostræ in partibus *Carentanie*: *Scaluniae*q; regionis sitas. Ad sanctum *Maximilianum* confessorem Christi, nec uō & ad sanctam *Felicitatem*: Septem filiorum martyrum & matræ, tradidimus. quorum corpora, in nouam nostræ edificationis basilicam ad *Otingas*, collocare in timore & amore Dei omnimodis curauimus: cui venerabilis abbas *Werin. Iphus* præesse dinoscitur, quatenus in luminaribus ejusdem Ecclesiæ & in alimonia pauperum, seruorumque Dei ibidem degentium perpetualiter proficiant in augmentum. Dedimus namq; ad præfatas Sanctorum Dei reliquias, locumque nominatum, curtem illam ad *Trebinam* cum domibus & vniuersis ædificiis, cum mancipiis infra curtem morantibus vtriusque sexus nouendecim, cum mansis LXX. cum agris cultis, incultis, pratis, pascuis, syluis, aquis, aquarumque decursibus, mobilibus, immobilibus, & cum omnibus pertinentiis & adjacentiis. Termini verò ejusdem nostræ donationis ita se concludunt. Tendunt igitur in partes occidentales sursum per fluuium *Traum* vsque in eum locum qui vulgo dicitur ad *Buochun*: in aquilone inter duos lacus (qui ibi sunt) se continent. Et in orientem juxta illum lacum simulq; cum lacu vsq; in eum locum vbi rubea petra, è regione ejusdem loci prominet. Et in meridiem vsque in riuium qui dicitur *Durrenpach*, & sic vsq; ad pontem *Villach*. Insuper & montem *Sikkorra*. Ad eundem locum prescriptum dedimus, quatenus hæc omnia cum omnibus integritatibus suis, ad præfatos sanctos Dei, per hoc præsens præceptum munificentæ nostræ, sine vlla diminuratione seu molestatione pertineat. Liceatq; prænominato abbati suisq; successoribus, easdem res ordinare disponere per omnia, juxta id quod ipsis fratribusq; sub eis degentibus placeat. Et vt hæc auctoritas nostræ donationis per futura tempora firmior habeatur & verius credatur: manu propria nostra subter eam firmauimus, & annulo nostro sigillari iussimus.

Signum Carolomanni

R O S  
M  
R N I

inuictissimi Regis.

*Madalvvinus* Notarius ad vicem *Theotmari* recognoui. Data quinto Idus Septembris. Anno Christi propitio Tertiō regni Domini Carolomanni piissimi Regis in *Boiaria*, & primo in *Italia*. Indictione XI. Actum *Rantersdorf* curte regia in Dei nomine feliciter Amen. D. CCC. LXXVIII.

*Metrop. Salisb. Tom. II.*

6

*Ranters-*